

2 G.
Request van wegen de Regeeringen
der Steden Vlissingen en Vere
aan den Prince Stadhouder, hou
dende klachten dat zy in de Sta
ten van Walcheren door Middel
burg in haar Stemgerechtigheid
verloft worden: en wat deswege
goedgevonden is.

yi Januari 1580.

An sijn Excellencie.

Geuen in alder eerbiedinge te kennen de Burgmeesters, Schepenen ende Regierders der Stede van der Vere ende Vlissingen, hoe by uwe E. G. sctek van de voorsz. Steden vergunt is mede te wesen een van de Staten, ende te hebben volcommen stemmen ende voix als die van Middelburgh in allen Vergaderingen zoewel van den Landeiende Graeffcepe van Zeelant in 't generael, als van den Lande van Walcheren in 't particulier, alles blykende by den extracte hier aengehecht. Ende hoe wel desen volgende die voorsz. Steden in allen vergaderingen van de generale Staten van den Lande en Graeffcepe van Zeelant elcx een volcomme stemme ende voix beneffens die van Middelburgh ende den andere Steden gebruct hebben ende noch dagelycx zyn gebrukende, ende dat die van Middelburgh zulcx niet alleene goetwillicklyken hebben geaccordeert, maer oock gefustineert voor uwe

F. G.

F. G. dat de voorsz. Supplianten met hen sieden in sulcker manieren behoorden te stemmen, soo en willen nochtans de voorsz. van Middelburch nyet gedoogen, dat de voorsz. Steden by den Staten van Walcheren oft den Gedeputeerden ter Dyckaigien van den Lande van Walcheren (soo men dezelve wil noemen) elcx een volcommen stemme ende voix beneffens haer soude hebben, maer hen daer inne dagelicx ende op alle rekeningen turbatie doen, al contrarie de Preuilegien by uwe F. G. hen lieden vergunt. Ende alzoo 't zelue nyet alleene zoude strecken tot groot naerdeel ende cleyn achtige van uwer F. G. giften, maer oock tot groote verachteringe van der Dyckaigen van den zeluen Lande, en van andere goede resolutien die men tot lants weluaren infunderheyt het fait van contributien totter oorloge aengaende oft daer van dependerende andersins ende sulck beletfel geweest, veel bequamer ende vruchtbaerlycke soude connen nemen. Bidden daeromme de voorsz. Supplianten, dat uwe F. G. gelieuen wille, dien van Middelburch ende allen anderen dien 't zelue eenichsins mach raken te ordonneren den voorsz. Supplianten te laten rustelyck ende vredelyck 't effect van hunne preuilegien in defengemelt. D'welck doende etc.

In margine staet.

Gehoort by zyne Excellencie 't rapport van dese Requeste, heeft verclaert ende verclaert mits desen, dat zy verstaet, dat de Supplianten volcomenlycken sullen ghenyeten 't effect van hunne preuilegien; ende dien volghens gheroepen ende present wesen in alle vergaederinghen ende communicatien, rekenschappen, ende alle andere handelinghen ende affairen; nyet alleenlycken van den generalen Staten des lants ende Graeffelyckheyt van Zeelandt, maer oock van den Staeten van den eylande

van Walcheren in 't particulier. Ordonnerende allen
den ghenen dien 't selue eenichsins raken mach, den
Supplianten sulcx toe te laten sonder swaricheyt. Aldus
gedaen tot Antwerpen op ten elfften dach January 1580,
geteekend. Guillaume de Nassau.